

ليس دفاعا عن عبد الله رشدي فقط _ اسمع الحقيقة _ م علاء حامد

علاء حامد

السلام عليكم ورحمة الله كيف حالكن شباب عاملين ايه الله بيارك فيكم يا رب ويرضى عنكم ويوفقكم لكل خير اللهم امين اه يا رب يكون الصوت واضح آآ الله بيارك فيكم ويرضى عنكم معلش النهاردة لازم نبدأ آآ بداية سريعة - [00:00:00](#)

ونتكلم مباشرة في الموضوع آآ لأن الموضوع ما يحتملش ان احنا آآ نعملوا اي مقدمات ولا نهزر في البداية زي ما متعودين نهزر في اول كل لايف موضوع خطير محتاجين بسرعة - [00:00:23](#)

نعمل شير للايف دوت نعمل منشن لكل حبابينا لان كده احنا ايه خرجنا عن آآ حدود اللادب وحدود المعقول وصلنا لمرحلة صعبة لو ما وقفناهاش وقفه المرحلة دي مش ه تكون اخر مرحلة - [00:00:37](#)

مرحلة ان يوصل آآ الحرب على الدعوة وال الحرب على كل من يقول كلمة الحق الى اتهام صريح في العرض بزنا او اغتصاب او اعتداء يبقى احنا كده وصلنا لمرحلة من اصعب ما يكون - [00:00:55](#)

ناقصة اما يكون ولو ما فهمناش ازاي نتعامل معها وزي ما ولو ما فهمناش ازاي نقف وقفه ضد هزه المعركة يبقى بكرة هنقول اكلت يوم اكل الثور الابيض وقلت يوم اكل الثور الابيض - [00:01:12](#)

دي قصة كده بتحكى ان كان في مجموعة من التيران وكان فيهم آآ تور ابيض فكان يعني قصة كده طويلة ان كان ثور اوكل وبعد كده اللي بعديه اوكل وبعد كده اللي بعديه اوكل فاخر واحد يعني بعد ما اتدبي وهو بيدبح قبل ما يتاكل - [00:01:32](#)

قال انا غلطان لان انا سكت لما اخويا الثور الابيض دوت قتل فطلع المثل الشهير قتلت يوم او اكلت يوم اكل الثور الابيض لما نوصل ان آآ داعية لا نعرف عنه الاكل خير. نشهد له بالخير - [00:01:48](#)

نشهد له بانه فعلا بيحاول ان هو يدافع عن الاسلام. ممكن ما نكونش متفقين معه في كل حاجة؟ اه ممكن اخونا عبدالله رشدي ربنا يحفذه. ممكن نختلف معه في امور. نتفق معه في امور. آآ ممكن نرد على بعض في امور. لكن نختلف معه في مسائل ممكن في العقيدة. ممكن - [00:02:08](#)

مسائل في الفقه لكن لا يجرمنكم شئنان قوم على الا تعدلوا. احنا ما بنكرهوش طبعا. لكن انا بقول للانصاف عزيز لابد من الانصاف. طالما اللي قدامى انا اشهد له واظن به انه فعلا يدافع عن الاسلام وعندہ صدق في الوقوف ضد اداء الاسلام وموافق - [00:02:28](#)

يعنى الشيخ عبدالله خطيرة جدا في الدفاع عن الثوابت ومواجهة الالحاد ومواجهة الحملة العلمانية والليبرالية ومواجهة الحملة النسوية الشديدة على الاسلام واقف في تغركبير. فمن يعني من الخطأ الكبير ان نخذه في هذه المعركة. قد قد - [00:02:48](#)

نختلف في امور لكن لا يعني هذا انا نخذل اه من نظن به انه يعني عنده اه صدق في خدمة الاسلام وما ودل على ذلك وكل مقرب منه يشهد له بذلك - [00:03:08](#)

فمش موضوعي برضو نرجع نقول انا مش موضوعي شخص معين لكن الموضوع اكبر من كده. الموضوع وصل لان دلوقتي ان اي حد بغض النزد بقى منهجك سليم مية في المية منهجك فيه يعني شوية. المهم ان انت - [00:03:22](#)

انت واقف ضد الحملة العلمانية انت واقف ضد الحملة الليبرالية انت واقف ضد الحملة النسوية الشديدة انت بتحارب الافكار الحديثة انت بتواجه الفتاوی الشاذة ازا انت لابد ان يعني تحارب حرب شديدة. ماشي احنا اتعودنا على حرب اللسان وحرب الكلام

والتشويه والكلام ده. لكن ان يصل الامر الى اتهام في الاعراض بدون - 00:03:38

دليل يبقى احنا كده وصلنا لمرحلة من اسوأ ما يمكن. انا لا اتعجب ان احنا بكرة نسمع نفس الكلام دوت عن علاء حامد عن محمد الغليظ بكرة يتهم امير منير في عرضه بكرة يتهم عمرو نور الدين في عرضه خلاص طالما الموضوع هيعي على واحد هيوصل للثاني والتالت والرابع انا مش - 00:04:06

عشان احنا فئة مسلا اسمها دعاء لأ الموضوع متاح بقى متاح لاي حد وهىبقى المطلوب ان المتهم هو اللي يدافع عن نفسه. واما المتهم او المدعي ما يلزموش شيء. وانما مجرد ان هو بيدعى خلاص الموضوع - 00:04:26

بيخلص وكل المشكلة عند المتهم بقى رح انت حل مشكلتك. احنا هنصدق المدعي لغاية ما انت تسبت براءتك. وهو ده اللي احنا الكارسة اللي احنا جايين نستوعبها لان انا مش بتكلم زي ما انا كاتب العنوان انا مش بتكلم النهاردة على الشيخ عبدالله رشدي بس ولكن آآ بتكلم في ما هو - 00:04:44

اخطر من ذلك. باتكلم ان احنا دلوقتي في الواقع بقى الطبيعي العادي ان اي حد اي حد يتهم اي حد باي كلام وما فيش مشكلة ان احنا نصدقه. وان النقوس تميل لتصديقه. وآآ وبعد كده آآ نطلب بقى من المتهم ان هو ايه دافع انت ايه عن نفسك - 00:05:04

وما عيش حياتك انت دافع عن نفسك. وخلاص انت بقى ما عرفتش تدافع عن نفسك يبقى انت كده بتسبت التهمة على نفسك. لأنهنتكلم دلوقتي مش في دعوة مسلا ولا بنتكلم في مسألة الشيخ عبدالله بس انا بتكلم في بنات بنات دلوقتي مع احترامي احنا شفنا مؤخرا بنت - 00:05:26

انتحرت عشان اتهمت في عرضها انتحرت اتهمت في عرضها ما عرفتش تجيب دليل براءة. يعني رغم ان هي هي هي المتهمة. يعني هي في مدعي بيديعى عليها مجرد ان هي اتهمت في عرضها. ما لقتتش حد - 00:05:44

حد واقف جنبها ما لقتتش حد كدب الكلام. ما لقتتش حد آآ نصرها بقت هي المطلوب ان هي تدافع عن نفسها. انتحرت. انتحرت. واحنا لسه شايفين من يومين بالظبط لايف طلع فيه راجل اتهم برضو من عمه ولا ما عرفش مين. اتهم بكلام هو مش عارف يسبت البراءة. هو مجرد ان هو مجرد - 00:05:57

بتهمة هو ما عندوش دليل براءة والكلام مرسل والمتهم المدعي برضو ما عندوش دليل اسبات. لكن هل احنا المنهج بتاعنا ان انا كحل المدعي بقول له انت كداب لغاية ما تجيب اثبات ولا المطلوب انا اروح للمتهم اقول له ما طالما ما عرفتش تدافع عن نفسك او ما عرفتش تجيب دليل براءة يبقى خلاص انت بتسبت - 00:06:17

الجريمة على نفسك. مين المفروض نكلمه؟ ومين المفروض ان احنا نوجه له؟ ومين المفروض الغلطان؟ هل المتهم المطلوب يا تجيب دليل برأتك يا اما انت كداب لو تكاد يبقى انت بتسبت على نفسك. لو انت ما طلعتش ودافعت واتكلمت يبقى انت بتسبت على نفسك. ولا الاصل ان انا كمسلم منهجي ان اللي بيtalk المدعي - 00:06:37

انا بقول له هات دليل. دليل طبعاً يثبت مش هيرتلة وشوية شتمة فبرك. بقول له هات لي دليل على الكلام دوت. ما جبتش دليل يبقى انت اللي كداب. وانا مش مطلوب مني - 00:06:57

اصلاً ان انا اروح لا لعبدالله رشدي ولا لعلاء حامد ولا للبنت ولا للراجل ولا انتكلم معه اصلاً ولا هو في دائرة اتهاماتي لغاية ما حضرتك تجيب لي دليل بعد ما تجيب دليل نبتدى نتكلم مع المتهم - 00:07:07

اما بدون ادلة كلام مرسل شات متفبرك. الكلام ده مش مقبول انا بقول الكلام ده عشان بحامي بنات وبحمي ولاد. انا مش جاي النهاردة ادافع عن الدعاة بس. ولا جاي ادافع عن الشيخ عبدالله رشدي بس. انا النهاردة بتكلم على اصول لازم - 00:07:22

تتحطط علشان بكرة هتبقى انت الكلام هيعي علىك. انت مش داعية ولا حاجة. بس اي شاب عايز ينتقم منك خلاص ينزل. دي فلانة انا عملت معها. اسبتي بقى انت العكس - 00:07:38

سهل جداً علاء حامد ده عايزين نلغيه طلع بنت وقل ان هو عمل في. اسبت انت العكس هنفضل لغاية امتي في المهزلة دي واعراض الناس تستباح بالطريقة ديت والنبي عليه الصلاة والسلام يقول لو يعطي الناس بدعواهم - 00:07:50

لو يعطى الناس بدعواهم لادعى اقوام اموال اقوام واعراضهم لو يعطى الناس بدعوا لو اي حد يهري اي كلام المفروض ان احنا نجري
وراه ونصدقه خلاص اي حد يدعى مال اي حد. اي حد يدعى عرض اي حد - 00:08:07

يبقى انا ما اتكلمش النهاردة على فئة معينة ولا جاي اتحفز لحد معين. ولا جاي انصب لواحد عشان اه بيدعو الى الله معي وانا وانا
فعلا بابه وباب يعنى جرأته في الحق - 00:08:27

لكن انا بتكلم في اكبر من كده. احنا بنتكلم في ناس انتحرت. بنت انتحرت عشان التهم في عرضها وما حدش واقف جنبها. ما حدش
فيش منهج صحيح بنتعامل معه راجل خد حبتين غلة وانتحر لايف - 00:08:40

مش بتعاطف معه الانتحرار غلط جريمة لكن ليه ما لهاش حد لقى الناس بتصدق الكلام. ليه النفوس قزرة ليه في
نفوس قدرة قبل ان هي تقبل اي كلام على اي حد شريف - 00:08:54

ليه ما فيش الاصل؟ ان احنا نرد الكلام دوت الى ان يثبت ليه احنا عندنا في ناس نفوسها كالخنازير بتحب القزارة كل ما يلاقي قزارة
ينشط. كل ما يلاقي قذارة ينشط - 00:09:08

وينقل ويصدق وعنه رغبة في التصديق عنده نفسية نفسها تصدق القزارة ديت. نفسها تثبت التنانة على اهل العفاف سها
تثبت الفضيحة في اهل الدعوة واهل الدين. ليه ليه في ناس كده - 00:09:22

وليه فيه حب لنقل الكلام دوت وليه في حب الاشاعة الفاحشة ليه ليه؟ ليه عندنا شهوة ان الخبر يطلع صحيح؟ ليه ليه قاعدين
ندعس ورا الخبر عشان عشان نلاقيه صح ليه - 00:09:40

ليه بنتمنى ان المدعية دي تجيب لنا دليل؟ ليه ليه كل ما نسمع عن بت فضيحة مستندينها تسبت مش عندنا كراهية. لأن احنا اصلا
نسمع موضوع زي دوت كره ان نسمعه حتى لو صح احنا بنكره ناس مع هزه الاخبار. المفروض - 00:09:56

ده علامة ايمان ان الذين يحبون ان تشيع الفاحشة ان الذين يحبون ان تشيع الفاحشة في الذين امنوا لهم عذاب اليم في الدنيا
والآخرة والله يعلم وانتم لا تعلمون ولو فضل الله عليكم ورحمته وان الله رءوف رحيم - 00:10:16

والله لو فضل الله ما بقى احد حي ان يصل الامر الى اعراض الشيوخ واعراض العلماء والناس تتناقل الخبر بكل بساطة والناس تبقى
عندها نفسية استعداد ان هي تصدق الكلام ده ونفسها يكون حق - 00:10:38

ليه ليه لو انا سكت واللي بعدى سكت واللي بعدى سكت. اكلت يوم اكل الثور الابيض. مش هتبقى دعاء بس. اي حد عايز يضيع اي
حد تيمه في عرضه. عادي الناس بتصدق - 00:10:52

ناس بتقبل الكلام. ما حدش بينكر الناس عادي بتقول لك انت دافع اهو عن نفسك هو ليه عبدالله رشدي ما طلعش يدافع عن نفسه؟
ليه؟ ليه ما عملش لايف يقول انا يدافع - 00:11:08

انا مش قضيتي دلوقتي اسبات او نفي.انا قضيتي انا اتعامل ازاي مع موضوع زي دوت انا هتعامل ازاي مع موضوع زي دوت لازم
فهم ده امر خطير جدا. امر خطير من اخطر ما يمكن - 00:11:20

انا طالما ما عبيش دليل مجرد الكلام يشتمل على كم من المصائب هائل هائل مجرد الادعاء دوت بدون دليل هنقول ايه
هو الدليل دي مصيبة. او لا اشتمل على غيبة وده اقل حاجة في القصة بقى. تمام؟ الغيبة اللي النبي عليه الصلاة والسلام قال فيها -
00:11:31

ذكرك اخاك بما يكره تشمل على بهتان لأن مش غيبة ده غيبة عارف لو الحاجة فيا لو انا مسلا حق في حاجة وحشة وانت قلتها علي
من ورايا دي غيبة - 00:11:54

لو مش في لو مش في تبقي بهتان. يا محترم تبقي بهتان فقيل ما الغيبة؟ قال ذكرك اخاك بما يكره قال ارأيت يا رسول الله ارأيت ان
كان في اخي ما يقول؟ ولا هو فيه اللي انا بقوله فعلا؟ طب ما هي دي الغيبة. ما هي دي الغيبة - 00:12:08
وانت عايز كمان تقول حاجة مش فيه قال ان كان فيه ما تقول فقد اغتبته وان لم يكن فيه ما تقول فقد بهته يعني اغتبتم وظلمته
والنبي عليه الصلاة والسلام يقول - 00:12:27

الربا بضع وسبعون شعبة الربا شف الربا الربا ده كارسة. بضع وسبعون شعبة ادناها مثل ان ينكح الرجل امه مثل ان ينكح الرجل
امه وان من اربى الربا وان من اربى الربا - 00:12:44

وان من اربى الربا استطالة المرء في عرض أخيه وان من اربى الربا استطالة المرء في عرض أخيه وقال النبي صلى الله عليه وسلم
من قال في مؤمن ما ليس فيه - 00:13:05

من قال في مؤمن ما ليس فيه اسكنه الله ردة الخبال. يعني عصارة اهل النار اسكنه الله ردة الخبال حتى يخرج مما قال من قال
في مؤمن ما ليس فيه - 00:13:24

اسكنه الله ردة الخبال حتى يخرج مما قال والنبي عليه الصلاة والسلام رأى مع جبريل في رحلة المراجعة ناس يخمشون وجوههم
وصدورهم لهم اظافر من نحاس لهم يخمشون بها وجوههم وصدورهم - 00:13:42

فقال جبريل من هؤلاء؟ من هؤلاء؟ من هؤلاء الذين يقعون في اعراض الناس ويأكلون لحومهم يقعون في اعراض الناس
ويأكلون لحومهم ونحن هنا لنضع القواعد والاصول لاي حد - 00:14:02

ايه المفروض يتعمد في حاجة زي كده لكن قبل ما اقول الكلام ده هاخط لكم عنوان هذا الامر طالما وصلنا به وصلنا له يبقى احنا
وصلنا لاقدر مستوى لاقدر مستوى - 00:14:30

في مواجهة الدعوة الى الله هذا اقدر مستوى في مواجهة الدعوة الى الله الكفار الكفار كانوا بيخلوا دي اخر حاجة اخر حاجة موسى
عليه السلام اتهم و قال الله يا ايها الذين امنوا - 00:14:47

لا تكونوا كالذين اذوا موسى فبرأه الله مما قالوا ما تهمش في عرضه لكن التوم في جسمه حاجة عيب في جسمه برأه الله مما قالوا
مريم عليها السلام اتهمت في عرضها من اليهود - 00:15:11

قال الله تعالى وبكرهم وقولهم على مريم بهتانا عظيمها ثم لما اشتدت الحرب على النبي عليه الصلاة والسلام في المدينة ولم يجد
المنافقون سبيلا الا العرض تكلموا في عرض عائشة رضي الله عنها وارضاها. هم ما قدروش ما لقوش مسلك للنبي عليه الصلاة
والسلام. ولو وجدوا مسلك كان اتهموه هو شخصيا. بس ما كانش فيه حاجة يقدروا - 00:15:29

اعملوها في السكة ديت مريم عليها السلام لما انجبت بدون اب كان فيه آآ ممكن يتهموها بحاجة زي كده اما النبي عليه الصلاة
والسلام ما قالوش سكة. ما فيش غير ان مرة عائشة رجعة لوحدها من غزوة كان في صاحبي وصلهاها لقوا فرصة اضرب على طول
ما فيش ما فيش وقت اضرب على طول - 00:16:01

فرصة رهيبة وكان الكلام مش لعائشة. ولا عائشة المقصودة. ولا عرض عائشة المقصود. انما المقصود الدعوة الامر مش عائشة ما فيش
موضوع يا عائشة ومش موضوع عبدالله رشدي لزلك هو الموضوع مش عبدالله رشدي - 00:16:20

ولا الموضوع علاء حامد ولا الموضوع فلان ولا الموضوع فلان احنا بندافع عن الدعوة ان لو عرض الدعاء صار مستباح بهذه الطريقة
مش مهم الدعاء الدعوة هي اللي هتسقط وكان هدف المنافقين لما اتهموا عرض عائشة - 00:16:38

انما كان النبي عليه الصلاة والسلام انما كان هدم رأس الدعوة انما كان الطعن في الاسلام خلاص ادي الرأس اهو وادي مراته ديني بقى
اللي بتتكلموا فيه ازا كان دولا شبيوخ دولا الرسل ودول الانبياء ودول الصالحين. مش عايزين يا عم الدين ده - 00:16:58

صح هي كده فلما يوصل الامر لاتهام اي حد في عرضه خاصة الدعاء والعلماء بدون دليل يبقى احنا كده وصلنا لاقدر مراحل الحرب
يبقى اللي جاي اسود يبقى انا لو ما قدرتش ارضع - 00:17:19

الاسلوب دوت والمستوى ده من المعركة يا ما تزععش يبقى انا وانت هنقول اكلت يوم اكل الثور الابيض لو ما دفعناش النهاردة عن
اخواننا هنقول اكلت يوم اكل الثور الابيض - 00:17:45

والنبي عليه الصلاة والسلام يقول من ذب عن عرض أخيه زب الله عن وجهه النار يوم القيمة وانا هنا لاقول طالما طالما لم ياتي
المدعي ببينة فالاصل ان المتهم بريء - 00:18:09

عبدالله رشدي او غيره ودافع عنه وعن غيره وانصر اخاك زالما او مظلوما من زب عن عرض أخيه زب الله عنده النار يوم القيمة

وطالما لم يأت المدعي بدليل خاصة في مسائل العرض وهنتكلم فيه - 00:18:33

اذا انا عندي اقول بالفم المليان عبدالله رشدي بريء بريء انا ما عندي دليل مزلوم ما عندي دليل والواجب على كل احد ان يدافع عنه.
طالما لا دليل وزي ما قلنا مش بنشخصن الموضوع - 00:19:00

احنا فاهمين احنا بندافع ليه هتقول لي اشمعنى فلان واشمعنى دلوقتي لان الموضوع مش شخص مش شخص المرة دي الموضوع
مش شخص. عشان كده هتلاقيني من فعل اكتر شوية مش من فعل عشان الدور علي. لأ مش مهم علاء - 00:19:20
مش مهم اي حد المهم دين ربنا المهم الدعوة ما تتهزش في اعين الناس. ورا كل واحد فينا ملابسين بيتابعوه والمطلوب ان الملابسين دولا
تهزهز سقطهم في الدين. وهو ده اللي يهمنا. مش مهم علاء يروح. بس بيجي بدل علاء اللي يشيل هم الدين. وبيجي بدل محمد الغليظ.
وبيجي بدل امير منير - 00:19:36

ويجي بدل عمرو نور لكن الدعوة ما تتهزش اروح انا بس ما يروحش الدين بس هم عارفين ان لو الداعية راح بتهمة عرض هيروح
وراه ناس كتير هتعملوا انتم ايه بقى - 00:19:56

هتعملوا انت ايه هتفقوا هتفرجوا هتنتفق تتلززوا وانتوا تسمعوا الاخبار ديت لسان لسان والله العزيم الناس هتضيع يوم القيمة
باللسان اكتر ما يدخل الناس النار اللسان وهل يكب الناس على مناشرهم يوم القيمة - 00:20:14
الا حصائد السنتم خلي بالك من الكلام تعال بقى اقول لك قواعد واحد واحد قال النبي صلى الله عليه وسلم
البيبة على المدعي واليمين على من انكر - 00:20:40

بس بسيطة جدا وكلنا حافزيناها كلنا حافزيناها البيبة على المدعي واليمين على من انكر كلنا حافزيناها. لكن ما حدش بيعمل بها ما
حدش بيعمل بها انا واحد بيذعي دلوقتي. ويا ريته بيذعي مال ولا بيذعي حاجة ده بيقول عرض. واحدة بتقول اغتصبني - 00:21:13

واحدة بتقول زنا بي دي افزع تهمة فاحشة دي اولى مسألة اعمل فيها النص البيبة على المدعي واليمين على من انكر. والله
اليوم الثاني اقول له انت معك بين هي يقول لي لأ. حاجي للمنكر. احلف انك ما عملتش كده. والله ما عملت كده. خلصت القضية.
خلصت خلاص خلصت - 00:21:42

خلصت القضية اي حد بقى سببك من الدعاء اي حد يطلع على النت يتكلم عن اي حد قاعدة تروح انت كاتب له كده البيبة على
المدعي فين البيبة انا مش بتتكلم في النهاردة في دعاء. انا اهو الكاتب اهو العنوان. ليس دفاعا عن عبد الله رشدي فقط - 00:22:09
انا بدافع عن بنت بتسمعني دلوقتي ممكن يوم من الايام عيل معفن يزعل منها او يبقى عايزها تكبسه يروح كاتب بوست فلانة دي يلا
ويتكلم في عرضها. وكل الدنيا هتتيجي على البنت مش هتتيجي على الولد - 00:22:29

وكل البنت هتبص كل الناس هتبص للبنت. نظرة دونية هيعتبروا الولد دوت انت راجل آآ مزلوم هي بقى تثبت الكلام اللي انت قلته
خلاص؟ هنسمع عن واحد واحدة عايزه تتبلى عليه. خلاص ترمي تقول ده زنا بي - 00:22:48
هيفضل الناس يتهموه هو اتصرف انت بقى اتصرف انت رد عليها لأ القواعد واضحة انا ما ليش دعوة بالمتهم. انا ما بتكلمش عن
المتهم خلاص انا اعيش جنبه الرجال بريء - 00:23:07

اي حد بالنسبة لي بريء انت معك دليل معبيش اسكت يبقى انت الظالم والمفترى يبقى انت اللي المفروض تتتعاقب يبقى انت
المفروض تهاجم طالما ما جبتش دليل النهاردة انا بدافع عن كل بنت تهم في عرضها بدون دليل - 00:23:22
دافع عن كل حد كاد يصل لمرحلة الانتحار. عشان ما حدش يدافع عنه. مش باید الانتحار طبعاً لو لقى مجتمع فاهم بيتعامل ازاي مع
مع اتهامات ما كناش وصلنا لكده - 00:23:44

ما كناش وصلنا لكده انا لو على طول اي حد يتكلم في عرض بنت اي بنت اقل في الدنيا مش داعية مش شيخة مش منقبة
مش مش بخمار. حتى لو متبرجة - 00:24:02

حتى لو مش كويسة بس مش فاجرة مش بتزني اتكلم في عرضها في زنا ادفع عنها مش من حقك تتكلم فيها بالزنا طالما هي ما

حتى لو متبرجة بشعرها مش معنى كده ان هي زانية - [00:24:14](#)

قواعد البينة على المدعي واليمين على من انكر والا كما في الحديث لو يعطي الناس بدعواهم لادعى اقوام دماء اقوام واعراضهم خش بقى على الثاني لو الموضوع مرتبط بالعرض. لو الدعوة دي مرتبطة بالعرض - [00:24:35](#)

تمام بقى ايه هي البينة؟ ما احنا البينة في كل الدعاء بحسبها. يعني مش كل المسائل الايه؟ اللي بينة فيها واحدة لا لأ البيانة بتختلف. يعني لو انا في عقد بيع وشراء عقد بيع وشراء. ايه هي البينة؟ البينة اتنين شهود. انا لو جبت - [00:25:05](#)

اتنين شهود العقد بيع وشراء خلاص يسبت لي المبيع والكلام دوت. او جبت راجل واتنين سبات. سهله دي فان لم يكونا رجلين فرجل امرأتان ده لو بيع وشرا فالامر فيه اسهل - [00:25:29](#)

اما اذا كانت التهمة والادعاء اذا كانت التهمة والادعاء مرتبط مرتبط بعرض يبقى هنا ما بتتكلمش في اتنين شهود انا بتتكلم في اربع شهود اربع شهود رأوا الواقعه - [00:25:44](#)

ورأوا الفرج في الفرج رأوا الواقعه باعينهم مش فيديو ما ينفعش كله بيتفبرك. مش صور ما ينفعش. كله بيتفبرك باعينهم ورأوا الفرج في الفرج يعني لو شاف مسلا بعينه رجل على امرأة - [00:26:17](#)

بس من ضهره ما شفش الفروج يبقى ده مش شاهد ما تصلحش شهادته تخيلوا وهذه الشهادة في الاعراض للرجال فقط. لا تقبل شهادة النساء وده من صيانة الشريعة للمرأة الا تضطر لمسل ذلك - [00:26:52](#)

انما للرجل فقط ولو ما شفش الفرج في الفرج يعني ما ينفعش يقول انا شفته بيعمل حاجات تانية بس ما ينفعش يقول زنا اربع شهود اربعة - [00:27:13](#)

جه واحد مدعى دلوقتي هيقول فلان زنا هيقول ايه فلان زنى تمام هيبقى هيبقى الكلام معه ازاي قلنا هيقول ايه؟ فلان زنى هيبقى الكلام معه ازاي الحقيقة الكلام ببساطة هنقول له - [00:27:29](#)

فين الدليل هل عندك اربع شهود ولا لا قال لأ او ثلاثة معك حتى يبقى هو قاذف يبقى هو ايه قاذف يستحق ان يقام عليه حد القذف يبقى لو واحد اتكلم - [00:28:02](#)

قال فلان زنا فلان اغتصب فلان فعل معهوش شهود يبقى هو قاذف رامي محسن او محسنة حكمه في الشرع تمانين جلدة حكمه في الشرع تمانين جلدة طب جاب اربع شهود وشافوا الفرش في الفرج ماشي خلاص تثبت الجريمة. ويبقى ساعتها سبتت الجريمة على المتهم لو هو آآ متجوز هيرجم حتى الموت في الشرع يعني - [00:28:31](#)

لو هو مش متجوز يتجلد ميت جلد لكن انا بتتكلم في ايه ان هو ادعى وما جابش دليل يبقى انا على طول بخش في اللي بيتكلم اقول له انت قاذف - [00:29:08](#)

انت قاذف انت مجرم انت فاحش انت تستحق تمانين جلدة في الشرع على هزا الكلام وكلنا نهجم عليه ما لم تأتي بدليل كلنا هنهجم عليك ومش هنلتفت الى المتهم اصلا. ولا نطلب منه اسبات براءة ولا هو شاغلنا - [00:29:26](#)

كل كلامنا مع المدعي بس اتعلم اتعلموا عشان واضح الموضوع ده جاي كتير مش مع الدعاء بس مع اي بنت مع اي شاب عشان ما حدش ينتحر دافع انت يا فلان معك اربع شهود على الزنا - [00:29:55](#)

الفاحشة على اللي حصل لأ انت قاذف انت مجرم انت انت كل الاتهام نتكلم ما لناش دعوة بقى بالمتهم ده خالص. احنا ما بتتكلمش معه ولا شاغلنا ولا ينقص من عينينا درجة - [00:30:17](#)

كل كلامنا مع مع الشخص ده. ما جبتش شهود وكل الكلام عليك انت ما ليش دعوة انا بقى بالمتهم ده والا مش هنخلص. ما كل يوم ماتهم واحد انا بقى انا حر. طالما ما فيش رادع. ما فيش حاجة تأدب - [00:30:35](#)

لأ الشرع بيأدب عشان كده في الشرع ما حدش يقدر يفتح بقه في عرض حد الهزار ولا جد. ما ينفعش يدعي ببساطة في الشريعة تعال حبيبي. تعال يا حبيبي. انت بتقول فلان زنا. بتقول فلانة دي زانية. بتقول فلانة دي كزا. طبعا الالفاظ الكبير بتاعة الشباب. فلانة دي بت كزا وفلان ده ابن - [00:30:51](#)

كزا وامها كزا الكلام الایه اي لفز بيعبـر عن الزنا انتـم فاهمـين وبـتسـمعـوا في الشـوارـع تعالـ يا حـبـيـبي عـلـى القـاضـي فـلـان بيـقـول على فـلـانـة كـزا تعالـ يا حـبـيـبي - 00:31:17

معـكـ شـهـودـ؟ شـافـوا الفـرـجـ في الفـرـجـ لـأـ تعالـ يا حـبـيـبي تـمـانـينـ جـلـسـةـ دـهـ المـفـرـوضـ يـتـعـمـلـ دـهـ دـيـنـاـ دـهـ دـيـنـاـ مشـ حـاسـسـ مـعـنـاـ شـتـيـمـةـ فيـ الشـارـعـ. ياـ اـبـنـيـ كـزاـ وـيـاـ الـلـيـ اـمـكـ كـزاـ. مشـ هـسـمـعـهـ دـيـ. مشـ هـيـنـفـعـ. مشـ هـيـنـفـعـ واحدـ يـقـولـهـاـ - 00:31:31 دـهـ دـعـاـبـةـ مشـ دـعـاـبـةـ وـلـاـ دـعـاـشـ. ايـ بـنـيـ اـدـمـ فيـ الشـارـعـ ماـ فـيـشـ اـمـ هـتـسـمـعـ عـرـضـهـ بـيـتـسـبـ فيـ الشـارـعـ ماـ فـيـشـ واحدـ هـيـسـمـعـ اـمـ بـتـتـسـبـ فيـ الشـارـعـ وـمـاـ حـدـشـ عـارـفـ يـجـبـ حـقـ حـدـ - 00:31:50

بـقـولـ ياـ جـمـاعـةـ بـيـقـولـ لـاـمـيـ عـلـىـ اـمـيـ كـزاـ وـيـقـولـ لـاـبـنـ كـزاـ وـاـبـنـ اـمـكـ كـزاـ بـاـقـولـ لـكـ ياـ عـمـ ياـ عـادـلـ بـيـشـتـمـ. دـهـ عـرـضـ ماـ فـيـشـ حاجـةـ تـجـبـ لـكـ حـقـكـ - 00:32:04

عـشـانـ ماـ فـيـشـ شـرـ بـيـطـبـقـ لـوـ الشـرـ بـيـطـبـقـ الـبـنـتـ دـيـ تـمـانـينـ جـلـدـهـ. الـلـيـ اـدـعـتـ عـلـىـ عـبـدـالـلـهـ رـشـدـيـ. تـمـانـينـ جـلـدـهـ ماـ جـابـتـشـ دـلـيلـ دـهـ ليـهـ يـعـتـبـرـ طـيـبـ تعالـىـ نـقـولـ اـزـايـ الـقـرـآنـ رـتـبـ ردـ فـعـلـكـ تـجـاهـ - 00:32:19

اتهـامـ زـيـ دـوـتـ رـبـنـاـ سـبـحـانـهـ وـتـعـالـىـ قـالـ عـنـ عـائـشـةـ رـضـيـ اللـهـ عـنـهـ اـوـلـ اـمـرـ اـنـ الـذـيـ جـاءـوـاـ بـالـافـكـ. عـلـىـ طـوـلـ قـالـ الـكـلـامـ دـهـ كـدـبـ عـلـىـ طـوـلـ كـدـبـ. ماـ فـيـشـ دـلـيلـ - 00:32:55

عـصـبـةـ منـكـمـ لـاـ تـحـسـبـوـهـ شـرـاـ لـكـ. سـبـحـانـ اللـهـ! الـمـوـضـوـعـ دـهـ كـانـ خـيـرـ فـعـلـاـ نـاسـ كـتـيـرـ جـدـاـ دـافـعـوـاـ عـنـ الـعـلـمـاءـ عـمـومـاـ والـشـيـوخـ عـمـومـاـ وـرـدـ مـفـحـمـ. وـدـعـاءـ كـتـيـرـ اـتـكـلـمـوـاـ وـشـفـنـاـ خـيـرـ كـبـيرـ الـحـمـدـ لـلـهـ. وـعـلـىـ الـاـقـلـ فـوـقـنـاـ اـنـ اـحـنـاـ لـازـمـ - 00:33:11 نـبـقـيـ اـجـمـدـ مـنـ كـدـهـ عـشـانـ كـلـ مـاـ اـنـتـ طـرـيـ كـلـ الـمـوـضـوـعـ بـيـزـيـدـ اـكـتـرـ طـيـبـ لـاـ تـحـسـبـوـهـ شـرـاـ لـكـ. اـنـ شـاءـ اللـهـ مـشـ شـرـ وـيـؤـجـرـ مـنـ صـبـرـ عـلـىـ ذـلـكـ. وـاجـرـ لـكـلـ مـنـ ذـبـ عـنـ اـخـيـهـ المـسـلـمـ - 00:33:32

لـاـ تـحـسـبـوـهـ شـرـاـ لـكـ بـلـ هـوـ خـيـرـ لـكـ لـكـ اـكـتـسـبـ مـاـ اـكـتـسـبـ مـنـ الـاـثـمـ وـالـذـيـ تـولـىـ كـبـرـهـ مـنـهـ لـهـ عـذـابـ عـظـيمـ لـوـلـاـ اـهـ تـعـالـ بـقـىـ نـقـولـ الـخـطـوـةـ الـاـولـىـ. هـاعـمـ اـيـهـ بـقـىـ فـيـ فـيـ ايـ حـدـ بـيـتـكـلـمـ عـنـ ايـ حـدـ - 00:33:50

لـوـلـاـ اـذـ سـمـعـتـمـوـهـ اـعـمـلـ اـيـهـ؟ وـاحـدـ اـوـلـ حـاجـةـ بـنـسـمـيـهـ الـدـلـيلـ الـبـاطـنـيـ فـيـ الـدـلـيلـ الـظـاهـرـيـ الـلـيـ هـوـ الـارـيـعـ شـهـودـ. وـفـيـهـ الـدـلـيلـ الـبـاطـنـيـ. اـيـهـ الـدـلـيلـ الـبـاطـنـيـ؟ مـاـ اـعـلـمـ عـنـ مـتـهـمـ لـوـلـاـ اـذـ سـمـعـتـمـوـهـ - 00:34:09

ظـنـ الـمـؤـمـنـوـنـ وـالـمـؤـمـنـاتـ بـاـنـفـسـهـمـ خـيـرـاـ وـقـالـوـاـ هـذـاـ اـفـكـ مـبـيـنـ يـبـقـيـ اـوـلـ حـاجـةـ اـنـاـ بـطـلـبـ اـوـلـ حـاجـةـ الـدـلـيلـ الـلـيـ فـيـ صـدـرـيـ اـنـاـ. الـدـلـيلـ الـلـيـ اـنـاـ عـارـفـهـ اـنـاـ بـقـولـ لـنـفـسـيـ قـبـلـ ماـ اـسـأـلـ عـلـىـ الشـهـوـدـ وـلـاـ حـاجـةـ اـوـلـ اـنـطـبـاعـ اـنـطـبـاعـ عـنـدـيـ اـوـلـ رـدـ فـعـلـ عـنـدـيـ كـانـ طـبـاعـ. اـنـاـ بـقـولـ هـوـ الـشـخـصـ دـهـ - 00:34:28

اـنـاـ اـعـرـفـ عـنـهـ اـيـهـ كـدـهـ لـأـ غـالـبـ الـزـنـ ماـ يـعـمـلـشـ كـدـهـ وـالـلـيـ اـعـرـفـهـ عـنـهـ لـلـمـقـرـبـيـنـ يـعـرـفـوـهـ عـنـهـ وـسـمـعـتـهـ تـقـولـ اـنـهـ مـسـلـ دـهـ مـاـ يـعـمـلـشـ كـدـهـ. اـهـ مـاـ فـيـشـ حـدـ مـعـصـومـ مـاـ فـيـشـ حـدـ سـالـمـ مـنـ الـخـطـأـ. لـكـنـ غـلـبـةـ الـزـنـ عـنـدـيـ فـلـانـ دـهـ مـاـ يـعـمـلـشـ حـاجـةـ زـيـ كـدـهـ اـبـداـ - 00:34:55 يـبـقـيـ الـاـصـلـ قـبـلـ ماـ اـسـأـلـ عـلـىـ الشـهـوـدـ قـبـلـ ايـ حـاجـةـ انـكـ انـكـ بـقـلـبـيـ وـارـفـضـ التـصـدـيقـ مـبـدـئـيـ اـرـفـضـ التـصـدـيقـ مـبـدـئـيـ وـاـقـولـ هـذـاـ اـفـكـ مـبـيـنـ لـغـاـيـةـ مـاـ تـبـيـنـ بـقـىـ لـسـهـ هـتـبـيـنـ. بـسـ الرـدـ فـعـلـ الـاـولـانـيـ - 00:35:16

اـنـاـ بـقـولـ اـنـاـ مـشـ قـابـلـ الـكـلـامـ دـوـتـ زـيـ بـالـزـيـطـ مـوـقـفـيـنـ فـاـكـرـيـنـ مـوـقـفـيـنـ حـكـيـنـاـهـمـ قـبـلـ كـدـهـ فـيـ سـوـرـةـ النـورـ مـوـقـفـ اـبـوـ اـيـوبـ الـاـنـصـارـيـ. اـبـوـ اـيـوبـ الـاـنـصـارـيـ وـمـوـقـفـ زـيـنـبـ بـنـتـ جـحـشـ مـنـ عـائـشـةـ - 00:35:39

وـهـمـ الـلـيـ نـزـلـتـ فـيـهـمـ الـاـيـاتـ دـيـتـ لـمـاـ جـتـ اـمـ اـيـوبـ الـاـنـصـارـيـ وـرـاحـتـ لـاـبـوـ اـيـوبـ قـالـتـ يـاـ اـبـاـ اـيـوبـ يـاـ اـبـاـ اـيـوبـ اـسـمـعـتـ مـاـ يـقـولـ النـاسـ فـيـ عـائـشـةـ بـصـ منـ اـدـبـهاـ ماـ قـالـتـشـ لـاـنـ هـيـ مـاـ يـنـفـعـشـ تـقـولـ. اـنـتـ عـارـفـ لـوـ قـالـتـ عـائـشـةـ زـنـتـ يـقـامـ عـلـيـهـاـ الـحـدـ عـلـىـ طـوـلـ - 00:35:58 بـسـ هـيـ عـبـرـتـ بـكـلـامـ مـاـ مـاـ يـوـرـطـهـاـشـ. اـسـمـعـتـ مـاـ يـقـولـ النـاسـ فـيـ عـائـشـةـ وـقـالـ وـقـالـ يـاـ اـمـ اـيـوبـ يـوـمـ اـيـوبـ اـرـأـيـتـ اـرـأـيـتـيـ لـوـ اـنـكـ كـنـتـ مـكـانـ عـائـشـةـ لـوـ اـنـكـ كـنـتـ مـكـانـ عـائـشـةـ - 00:36:19

اـكـنـتـ تـفـعـلـيـنـ ذـلـكـ يـاـ اـمـ اـيـوبـ قـالـتـ لـاـ قـالـ فـانـيـ اـشـهـدـ اـنـ عـائـشـةـ خـيـرـ مـنـكـ اـنـيـ اـشـهـدـ اـنـ عـائـشـةـ خـيـرـ مـنـكـ هـنـقـولـ اـنـتـ تـقـنـنـ بـاـخـوـانـكـ كـدـهـ تـقـنـ بـشـخـصـ مـاـ عـلـمـنـاـ عـلـيـهـ الـخـيـرـ كـدـهـ - 00:36:44

انت تعمل كده قل لي ما اعملهاش. خلاص يبقى هو من باب اولى هو ما يعملاش انت تعملني كده تقول لها حاشا الله ما هو آا مش ممكن اعمل كده. هو برضه ما يعملاش كده - [00:37:04](#)

ليه ليه انت انت برينة المطهرة وانت البرى المطهر وهو على على ما نعلمه عنه في الظاهر من علم وديانة وخير وحب للإسلام اصدق عليه اي حاجة يبقى انا بقول الدليل الباطن الاول ما اظن فيه - [00:37:15](#)

شف ربنا لما عبر قال ايه ظن المؤمنون والمناد انفسهم مش ما قالش لاخوانهم. ليه؟ كانه بيقول لك اخوك هو نفسك. اخوك هو نفسك طيب زينب بنت جحش زوج النبي عليه الصلاة والسلام. وزينب - [00:37:33](#)

كانت من احب نساء النبي اليه ولو لا عائشة لولا عائشة وكانت زينب نمرة واحد عند النبي عليه الصلاة والسلام. لانها جميلة. قرشية بنت عمته قرينته وقراشية وزاد شرف وجميلة لكن - [00:37:54](#)

لكن عائشة غابت فكانت فرصة رائعة سانحة لزينب ان هي تقضي على عائشة وتطيح بعرشها فالنبي عليه الصلاة والسلام حطها في اختبار قوي فقال يا زينب ما تقولين في عائشة - [00:38:21](#)

بعد ما اتهمت ما تقولين في عائشة وقالت يا رسول الله يا رسول الله احمي سمعي وبصري احمي سمعي وبصري والله والله يا رسول الله ما علمنا عنها الا خيرا - [00:38:43](#)

والله يا رسول الله ما علمنا عنها الا خيرا قالت عائشة فكنت لا انساها لزينب. وهي التي كانت تسامبني يعني بتنافسني عند رسول الله صلى الله عليه وسلم. ولكن عصمها الله بالورع - [00:39:05](#)

ولكن عصمها الله بالورع ولكن عصمها الله بالورع اين الورع في الكلام؟ وانا اتكلم عن اعراض بنات ونساء ووصلنا للشيوخ ودعاة يبقى انا بقول الاول فين الدليل الباطني؟ ظنك ايه باخوك - [00:39:18](#)

زنك ايه باخوك لا انا ما اظنشك فيه كده. خلاص هذا افك مبين ده نمرة واحد نمرة اتنين نمرة اتنين طلب الدليل الظاهري بقى. طلب الدليل الايه؟ الظاهري. اللي احنا قلناه. لولا جاؤوا عليه باربعة شهداء - [00:39:37](#)

ده الاسباب الوحيدة في الجرائم ديت لولا جاؤوا عليه باربعة شهداء هم طيب ما جبتش الشهداء على طول بقول زي ما ربنا قال فان لم يأتوا فان لم يأتوا بالشهداء - [00:39:56](#)

فان لم يأتوا بالشهداء فاولئك فاولئك عند الله هم الكاذبون. يبقى انا على طول اقول انت كداب ما احلف لي بقى اقسم لي تتنطط انت ربنا بيقول انت كداب ربنا بيقول انت كداب - [00:40:12](#)

خلصت خلصت معك اربع شهود لا انت كداب ودي من حماية الشرع للاعراض للاعراض ما ينفعش يبقى الاعراض سهلة اربعة لازم اربعة تشديد عشان ده عرض. عرض والعرض اصعب شيء واللي تم في عرضه ما بيحلاش. البنت اللي بتتهم في عرضها ما بتتحلش يا جماعة. والله - [00:40:33](#)

والله العزيم انا باسمع كلام ما تتخيلهوش بنت لمجرد ان هي مسلا بتتمشي مع ولد غلطانة سمعة تطلع عليها في المنطقة كلها ان البنت دي بتعمل وبتعمل. وانسى بقى ان التهمة دي تحل منها. انسى - [00:41:01](#)

يجي لها عريض بيعرف المواضيع ديت يجي لها بتابع يعرف المواضيع ديت وهي برينة. كل اللي عملته مشيت مع ولد غلط بس هي ما زانتش ولا تقبل كده - [00:41:15](#)

العرض رهيب طلب الدليل الظاهري فين دليلك في اربع شهود لا انت كداب. خلاص مش هدور انا وراك ومش مطلوبة ادور ومش مطلوب اروح للمتهم اقول له بيقولوا عليك رح دافع عن نفسك. لا - [00:41:30](#)

عائشة ما دفعتش عن نفسها. سكتت قالت صبر جميل. صبر جميل. والله المستعان. صبر جميل. والله المستعان على ما تصفون. بس ده كفاية المتهم يقول كفاية خلصت صبر جميل. والله المستعان على ما تصفون - [00:41:48](#)

انزل الله براءة من فوق سبع سماوات فاولئك عند الله هم الكاذبون ولو لا بص بقى ربنا بيقول ايه خد بالك عشان الكلام رهيب ولو لا فضل الله عليكم ورحمته في الدنيا والآخرة لمسكم فيما افضم فيه عذاب عظيم - [00:42:06](#)

اذا تلقونه بالستكم عارف يعني ايه تلقونها بالستكم هو انا لما باقول لك كلام انت بتترقبني ودانك ولا بلسانك؟ انت بتترقبني ودانك.

طب ليه ربنا قال لي انت بتتلقيه بلسانك؟ عشان انت بتفكريش - 00:42:27

عشان انت ما بتفكريش لما كان الكلام بيخش كانه ما بيعديش لا بيعديش على ودانه ولا عدى على عقله ولا عدى على مخ. الكلام بيطلع من لسان للسان للسان. وكأن الكلام خدته من لسان على اللسان - 00:42:42

الناس قاعدة ترمي وشير وبوست وبتاع. ايه ده عرض! واحدة لولا اذ اذا تلقونه بالستكم وتقولون بافواهكم ما ليس لكم به علم. فين العلم؟ فين الشهود وتحسبونه هيما تحسبون عينا هو عند الله عزيم - 00:42:54

ولولا اذ سمعتموه قلتم ما مم يلا بناها ما يكون لنا ان نتكلم بهذا سبحانك هذا بهتان عظيم خش على اللي بعديها الاخطر والاخطر يعظكم الله - 00:43:17

يعظكم الله ان تعودوا لمثله ابدا. ان كنتم مؤمنين. وكل ما حد يتكلم في عرض بنت نتكلم فيها. كل ما حد يتكلم في عرض ولد نتكلم فيه. لغاية ما وصلت للشيخ والدعاة. وبعدين - 00:43:37

يعزكم الله ان تعودوا مثلي ابدا ان كنتم مؤمنين. ويبين الله لكم الایات والله علیم حکیم نقل الاخبار دی حرام لا یجوز نقل الاخبار دیت. ولا یجوز الصحفین الاخبار دیت. ولا یجوز ینتشر الخبر ده على النت - 00:43:58

لیه؟ لانه من اشاعة الفاحشة ان الذين یحبون ان تشیع الفاحشة في الذين امنوا. في ناس بتحب تسمع الاخبار دی ناس نفسها الخبر ده یطلع صح. تخیل تخیل نفوس القرفة النفوس الخنزيرية النتنة اللي نفسها خبر زي ده یطلع صح - 00:44:14

یحبون نفسهم الدعاء یتهدوا لهم عذاب الیم في الدنيا والآخرة. والله یعلم وانتم لا تعلمون ولو لا فضل الله علیکم ورحمته وان الله رؤوف رحیم کمل معنا الایات وبعد کده ربنا یقول ان الذين یرمون المحسنات الغافلات المؤمنات لعنوا - 00:44:37

في الدنيا والآخرة ولهم عذاب عظيم يوم تشهد عليهم السننهم وايديهم وارجلهم بما كانوا یعملون. يوم یوافيهم الله دینهم الحق ویعلمون ان الله هو الحق المبين. ضحك النبي عليه الصلاة والسلام يوما فقال الصحابة علام تضحك يا رسول الله؟ قال اضحك من - 00:44:58

مجادلة العبد لربه والله تعالى یخبره بما فعل وهو یقول لا اقبل يا رب الا شاهدا من نفسي فيقول لك هذا فيؤمر بلسانه فيختم عليه. ویؤمر بجوارحه ان تتنطق ورجله تتنطق وكل جوارحه تتنطق. ثم یترك له الكلام - 00:45:18

فيقول سحقا سحقا لكن وبعد فعنكن كنت اناضل. والله يوم القيمة هيبيقى يوم صعب وبدا لهم من الله ما لم يكونوا يحتسبون. بدا لهم ما لم يكونوا يحتسبون. الكلمة الكلمة ان الرجل يتكلم بالكلمة من سخط الله لا يلقي - 00:45:36

لها بالا. یلقي بها في النار بعد ما بين المشرق والمغرب. الكلمة الكلمة والكلمة لما بتكون في فيمن شاء له قدر تكون اصعب ومن یکسب خطيئة او اثما. ومن یکسب خطيئة او اثما ثم یرمي به بربنا - 00:45:55

ومن یکسب خطيئة او اثما ثم یرمي به بربنا وقد احتمل بهتاننا واثما مبينا والذين یؤذون المؤمنين والمؤمنات بغير ما اكتسبوا وقد احتملوا بهتاننا واثما مبينا الواجب ان نزب عن اعراض المسلمين. عموما - 00:46:21

انا مش بتكلم عن حد بعينه وانا الان مش مش في موقف اتكلم عن بعض الخلافات اللي بيننا وبين الشيخ عبدالله رشدي نعم قد نختلف معهم. في مسائل في العقيدة خلافات في مسائل بين اهل السنة والاشاعرة. قد نختلف معه في بعض الفتاوى - 00:46:49 لكن هذا لا یحملنا على ان نتركه في هزه المعركة ابدا ابدا بل هو على ثغر عزيم. نحن نؤيده في هذا الثغر ونقف معه وننزع عنه واما مساء الاختلاف فهو راجل محترم. هو راجل محترم. دین نحسبه کزلك والله حسبيه. یفهم الخلاف ویفهم کلام اهل العلم. يعني یحب - 00:47:12

بالحق وینصت لاهل العلم فلا داعي لان احنا نشغب في المسألة دي ونثيرها الان ونثير الان. نحن الان في مرکب واحدة مع عبدالله رشدي نحن الان في مرکب واحدة مع عبدالله رشدي. نتكلم في المرکب مع بعض ما فيش مشكلة. لكن واحد بیخرم المرکب - 00:47:37

مش وقت كلام مش وقت كلام المركب بنتخرم كلنا هنفرق كلنا هنفرق. نخلص موضوع المركب وننادي عن المركب. بعد كده جوة نتكلم مع بعض - [00:47:57](#)

سهلة لكن هو اخويا وحبيبي ونادي عنده وانا مش بتكلم النهاردة ليه هو بس. انا بدافع عن كل بنت ممكن يحصل معها بكرة كده. وكل ولد يحصل معها بكرة. علمتكم قواعد. تعيشوا بها. وتعلمواها للناس - [00:48:16](#)

تعرفوا ازاي تتعاملوا مع المواقف ديت وازاي تهاجم ما تدافعش عمر مش عايز اطول عليكم بس الفيديو ده لازم كل الناس تسمعه الموضوع ده لازم يقف لازم يقف من تتبع عوره مسلم - [00:48:33](#)

انا ارجو من الله ارجو من الله ان يكون الفيديو ده سبب ان ربنا يسترني به لان انا مليان عيوب. والله مليان عيوب بس ارجو من الله ان ربنا يسترني بسبب الفيديو دوت - [00:49:00](#)

لان من زب عن عرض أخيه زب الله عن عرضه ومن ستر مسلما ستره الله في الدنيا والآخرة انا ارجو من الله ان اكون دفاعي عن كل مسلم وده عادي مع كل مسلم ان ده اللي ساترني قدامكم لغاية دلوقتي ولو لا ذلك والله - [00:49:19](#)

انا اتفريح في سانية اتفضح في سانية بس انا ارجو من الله يكون سترني على المسلمين وحبي للستر على المسلمين هو اللي ساترني لغاية دلوقتي بالعكس ممكن يكون راجل ما عندوش عيوب كثير - [00:49:36](#)

وراجل فاضل بس بيتابع العورات اقول له ابشر بقى بما يسويك من تتبع عوره المسلمين تتبع الله عورته ولو كان في عقر داره ولو كان في عقر داره وقال بعض السلف ان اقواما كانت لهم عيوب كثيرة - [00:49:55](#)

فسترروا عيوب الناس فستر الله عيوبهم وقوم لم تكن لهم عيوب فتكلموا في عيوب الناس فاحدث الله لهم عيوبا تكلم الناس عليهم بها اخر حاجة هقولها - [00:50:13](#)

اقوام لم تكن لهم عيوب كانت لهم عيوب كثيرة قال بعض السلف ان اقواما كانت لهم عيوب كثيرة فسترروا وسكتوا عن عيوب الناس فستر الله عيوبهم وقوم لم تكن لهم عيوب - [00:50:33](#)

ولكن تكلموا في عيوب الناس. فاحدث الله لهم عيوبا تكلم الناس عنهم بسببيها ما تتكلمش في عيوب الناس خاصة لو كان الكلام كدب وادعاء على علماء او دعاء في اعراضهم. في بنت في عرضها في ولد في عرضه. ما تتكلمش في عرض حد. لان انت مليان عيوب وعنديك - [00:50:52](#)

تمام؟ ربنا يسترنا واياكم جزاكم الله كل خير وربنا يحفزكم ويبارك فيكم ويثبتكم. انشروا الفيديو علموا الناس. اشوفكم ان شاء الله اللاتينين القادم. سبحانك الله ربنا وبحمدك. اشهد ان لا الله الا انت. استغفرلك واتوب اليك. السلام عليكم ورحمة الله - [00:51:15](#)